



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 01-03/02-04-42543-90/23
Sarajevo, 31. 10. 2023. godine

SKUPŠTINA KANTONA SARAJEVO
n/r Okerić Elvedina, predsjedavajućeg Skupštine Kantona Sarajevo

PREDMET: Odgovor na zastupničko pitanje, dostavlja se

Cijenjeni,

Zastupnik u Skupštini Kantona Sarajevo **Damir Marjanović** je na Devetoj radnoj sjednici Skupštine Kantona Sarajevo, održanoj dana 03. 10. 2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20, 14/20, 16/22 i 17/22-Ispravka), uputio **zastupničko pitanje**:

„Šta je Ministarstvo unutrašnjih poslova i Ministarstvo za odgoj i obrazovanje uradilo po pitanju zaštite prava i osiguranja neometanog nastavka školovanja učenika D.R. kojeg je majka drugog dječaja pretukla i prostorijama osnovne škole „Saburina“?“

Da li je tačno da se učenik D.R. sredinom septembra 2023. godine ispisao iz osnovne škole „Saburina“ iz razloga što su njegovi roditelji osjećali da dijete nije ni na koji način zaštićeno u toj ustanovi i da zbog psihičkog stanja nije u mogućnosti nastaviti školovanje?

Koje dalje procedure Ministarstvo za odgoj i obrazovanje planira učiniti po pitanju ovog slučaja?“

Odgovor:

Koristimo priliku informisati Vas da u skladu sa članom 15. Pravilnika o načinu i obliku provođenja odgojno-obrazovne podrške i stručnog tretmana („Službene novine Kantona Sarajevo“ br. 29/19 i 38/22) u slučaju da se desio iznenadni događaj u školi ili izvan nje, a za koji postoji saznanje da može ugroziti najbolji interes učenika stručna služba škole u što kraćem roku organizuje multisektorski sastanak kojem u isto vrijeme prisustvuju roditelji svih učenika uključenih u događaj, stručna služba škole, direktor, predstavnici nadležne službe za socijalni rad, predstavnici nadležnog centra za mentalno zdravlje, predstavnik nadležne policijske uprave i druge osobe ili predstavnici institucija po procjeni stručne službe škole. Navedeni sastanak je realiziran u Osnovnoj školi „Saburina“ 27. 06. 2023. godine. S obzirom da se u konkretnom slučaju desilo nasilje od strane odrasle osobe nad maloljetnim učenikom predmet je dostavljen Kantonalnom tužilaštvu Kantona Sarajevo, te se provodi istražni postupak. Na navedenom sastanku predstavnici roditelja učenika IV-1 su tražili da se učenik čija je majka povrijedila drugog učenika premjesti u drugu školu. U navedenom slučaju nije bilo prisutno neprihvatljivo ponašanje učenika već odrasle osobe, te je nemoguće sankcionisati učenika (premještaj u drugu školu) zbog neprihvatljivog ponašanja njegove majke. Prema informaciji iz JU



Osnovne škole „Saburina“ majka učenika koji je bio žrtva nasilja od strane odrasle osobe je na početku školske 2023/2024. godine upisala dijete u drugu osnovnu školu na području Općine Stari Grad.

U slučajevima u kojima je ugrožen interes djece/učenika škole su obavezne postupati u skladu sa Pravilnikom o vođenju evidencije o neprihvatljivim oblicima ponašanja i zaštiti učenika („Službene novine Kantona Sarajevo“ br. 29/19 i 38/22) i Pravilnikom o načinu i obliku provođenja odgojno-obrazovne podrške i stručnog tretmana („Službene novine Kantona Sarajevo“ br. 29/19 i 38/22).

S poštovanjem,



Dostaviti:

1. Naslovu
2. A/a

